

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **MIŠLJENJE**

**po Zahtjevu privrednog subjekta D.O.O. „DSL-ELEKTRONIKA“ Modriča, Dositeja  
Obradovića 10, 74480 Modriča, Republika Srpska, Bosna i Hercegovina**

**Sarajevo  
Septembar, 2026. godine**



Broj: 07-26-7-016-4/26  
Sarajevo, 17.09.2026. godine

Konkurencijsko vijeće Bosne i Hercegovine je, na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po podnesenom Zahtjevu za davanje mišljenja privrednog subjekta D.O.O. „DSL-ELEKTRONIKA“ Modriča, Dositeja Obradovića 10, 74480 Modriča, Republika Srpska, Bosna i Hercegovina, zaprimljenom dana 13.08.2026. godine pod brojem: 07-26-7-016-1/26, na 50. (pedesetoj) sjednici održanoj dana 17.09.2026. godine, donijelo

## **MIŠLJENJE**

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 13.08.2026. godine pod brojem: 07-26-7-016-1/26 zaprimilo podnesak privrednog subjekta D.O.O. „DSL-ELEKTRONIKA“ Modriča, Dositeja Obradovića 10, 74480 Modriča, Republika Srpska, Bosna i Hercegovina (u daljem tekstu: Podnosilac zahtjeva). Istim se podnosi Zahtjev za davanje mišljenja (u daljem tekstu: Zahtjev) o postojanju obaveze podnošenja prijave koncentracije, u smislu odredbi člana 12. Zakona o konkurenciji ("Službeni glasnik BiH", br. 48/05, 76/07 i 80/09 – u daljem tekstu: Zakon o konkurenciji).

Konkurencijsko vijeće je, aktom broj: 07-26-7-016-2/26 od 21.08.2026. godine, od Podnosioca zahtjeva zatražilo dopunu Zahtjeva, odnosno upućen je zahtjev za dostavom dokaza o uplati administrativne takse, koju je isti dostavio dana 28.08.2026. godine, podneskom zaprimljenim pod brojem: 07-26-7-016-3/26.

Podnosilac zahtjeva u zaprimljenom podnesku, u najkraćem, navodi sljedeće:

- Zahtjev se podnosi u svrhu kompletiranja dokumentacije potrebne za podnošenje prijave za upis u registar poslovnih subjekata statusne promjene spajanja uz pripajanje, u pojednostavljenom postupku, u skladu sa odredbama 372. stav 1. a), člana 393. I člana 394. Zakona o privrednim društvima ("Službeni glasnik RS", br. 127/2008, 58/2009, 100/2011, 67/2013, 100/2017, 82/2019, 17/2023 i 45/2025);
- Privredni subjekt "D.O.O. DSL-ELEKTRONIKA" Modriča, sa sjedištem u Modriči, ulica Dositeja Obradovića 10, upisano je u registar poslovnih subjekata Okružnog privrednog suda u Doboju, pod matičnim brojem subjekta upisa 60-01-0095-12 (1-5202-00), JIB 4402055940008, čija je osnovna djelatnost 61.90 - Ostale telekomunikacione djelatnosti, a koje je u 100% vlasništvu fizičkog lica Samira Kapetanovića iz Šamca;
- Sljedeća privredna društva su u 100% vlasništvu privrednog subjekta D.O.O. "DSL - ELEKTRONIKA" Modriča: "K-NET" d.o.o. Derventa, sa sjedištem u Derventi, ulica 1. maja broj 46, MBS 60-01-0057-14, JIB 4403756510004, upisanim osnovnim kapitalom u vrijednosti od 1,00 KM, osnovna djelatnost: 61.90 - Ostale telekomunikacione djelatnosti, "GIGAHERC" d.o.o. Gradačac, sa sjedištem u Gradačcu, ulica Huseina Kapetana Gradašćevića 44B, MBS 32-01-0211-08, JIB 4209912080006, upisanim

osnovnim kapitalom u vrijednosti od 5.000 KM, osnovna djelatnost: 61.90 – Ostale telekomunikacione djelatnosti i “AVAX NET” d.o.o. Lukavac, sa sjedištem u Lukavcu, ulica Kralja Tvrtka I bb, MBS 32-01-0122-09, JIB 42009952030001, upisanim osnovnim kapitalom u vrijednosti od 2.000,00 KM, osnovna djelatnost: 61.90 – Ostale telekomunikacione djelatnosti;

- Navedeni privredni subjekti su dana 28.01.2026. godine usaglasili i potpisali Nacrt Ugovora o statusnoj promjeni spajanja uz pripajanje, a kojim je predviđeno da privredno društvo D.O.O. “DSL -ELEKTRONIKA” Modriča, kao Društvo sticalac, pripaja privredna društva “K-NET” d.o.o. Derventa, “GIGAHERC” d.o.o. Gradačac i “AVAX NET” d.o.o. Lukavac, te koja prestaju postojati provođenjem statusne promjene spajanja uz pripajanje u pojednostavljenom postupku, s obzirom da se radi o privrednim društvima koja su u 100% vlasništvu društva sticaoca. Predmet usaglašenog Nacrta Ugovora jeste spajanje uz pripajanje, tako što “društva prestala pripajanjem” prenose svoju cjelokupnu imovinu “Društvu sticaocu” i prestaju sa postojanjem bez sprovođenja likvidacije. Datum spajanja uz pripajanje je datum registracije ove statusne promjene kod Okružnog privrednog suda u Doboju, te se zahtjev podnosi u svrhu kompletiranja dokumentacije potrebne za podnošenje prijave za upis u registar poslovnih subjekata statusne promjene spajanja uz pripajanje;
- Ukupan osnovni kapital društva sticaoca nakon spajanja uz pripajanje ostaje nepromijenjen, s obzirom da je Društvo sticalac jedini osnivač i član Društava koja prestaju pripajanjem sa 100% udjela u njihovom osnovnom kapitalu. S obzirom da Društvo sticalac već posjeduje cjelokupan osnovni kapital društava koja se pripajaju ovom statusnom promjenom, ne dolazi do povećanja osnovnog kapitala Društva sticaoca, niti do izdavanja novih udjela.
- Za potrebe provođenja postupka spajanja uz pripajanje izvršeno je vještačenje po vještaku ekonomske struke kojim su na osnovu finansijskih izvještaja društava koja učestvuju u postupku spajanja i pripajanja utvrđeni ukupni prihodi u godini koja prethodi statusnoj promjeni, kako slijedi: D.O.O. “DSL -ELEKTRONIKA” Modriča iskazuje ukupne prihode u 2025. godini u iznosu od 3.240.112 KM, “K-NET” d.o.o. Derventa iskazuje ukupne prihode u 2025. godini u iznosu od 230.063,00 KM, “GIGAHERC” d.o.o. Gradačac iskazuje ukupne prihode u 2025. godini u iznosu od 410.768,00 KM i “AVAX NET” d.o.o. Lukavac iskazuje ukupne prihode u 2025. godini u iznosu od 593.582,00 KM;

Podnosilac zahtjeva je dostavio i ovjerene kopije sljedećih dokumenata: aktuelne izvode iz sudskog registra i finansijske izvještaje za 2025. godinu za sve naprijed navedene privredne subjekte, Nacrt Ugovora o spajanju uz pripajanje zaključen dana 28.01.2026. godine, te nalaz i mišljenje ovlaštenog sudskog vještaka ekonomske struke o vrijednosti imovine učesnika u statusnoj promjeni spajanja uz pripajanje od dana 01.03.2026. godine.

Konkurencijsko vijeće u vezi obaveze prijave koncentracije navodi:

Član 12. stav (1) Zakona o konkurenciji utvrđuje da se koncentracijom ima smatrati:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg utjecaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:

- 1) sticanjem kupovinom većine dionica ili udjela osnovnog kapitala; ili
  - 2) sticanjem većine prava glasa;
  - 3) na drugi način, u skladu sa odredbama zakona koji reguliše osnivanje privrednih subjekata i njihovo upravljanje i
- c) zajedničkim ulaganjem na dugoročnoj osnovi, dva ili više nezavisnih privrednih subjekata koji djeluju kao nezavisan privredni subjekt.

Koncentracijom se, dakle, u smislu člana 12. stav (1) tačka a) Zakona o konkurenciji, podrazumijeva spajanje ili pripajanje nezavisnih privrednih subjekata ili njihovih dijelova. Imajući u vidu navedeno, Konkurencijsko vijeće smatra da u konkretnom slučaju ne postoji obaveza prijavljivanja namjeravanog spajanja putem pripajanja, budući da su privredni subjekti "K-NET" d.o.o. Derventa, "GIGAHERC" d.o.o. Gradačac i "AVAX NET" d.o.o. Lukavac povezana društva privrednog subjekta D.O.O. "DSL -ELEKTRONIKA" Modriča, u kojim isti posjeduju 100% vlasničkog učešća.

Ovo mišljenje je dato isključivo na osnovu podataka i dokumentacije navedenih u Zahtjevu, te ukoliko dati podaci odstupaju od stvarnog činjeničnog stanja, ovo mišljenje se ne može primijeniti.

**Predsjednik**

**Vanja Malidžan**

**Dostavljeno:**

1. Podnosilac zahtjeva
2. U spis predmeta